

碑銘
墓誌
行狀

陽村先生集



楊村先生文集卷之三十六

碑銘類

有明朝鮮國桓王定陵神道碑銘并序

上即位之二年春正月辛未命臣某若曰余以否德
荷天休命肇造邦家祖宗積德是賴謹已追謚四代
皆上王爵汝其銘我先烈考定陵碑昭示永世臣某
承命祗慄不敢以鄙拙辭嘗觀孟子之言曰五百年
必有王者興前朝自始祖王氏以來垂五百年運祚
既衰恭愍純嗣姁僧辛旽子禰冒姓竊位荒涼廢唐
歲戊辰與其相崔瑩謀興師妄動將犯天子之境生

妖

民之禍靡所紀極維時我主上殿下為右軍都統使
仗義還師禍乃知罪遜位子昌越明年天子責以異
姓為王氏後殿下以侍中任國政與諸將相議立王
氏之裔瑤為君初自禍時政在權臣鬻官獄濁亂
朝廷壞棄土田籠絡山野紀綱大壞毒痛日甚民胥
徯咎日夕思治及殿下作相革除舊弊更新治道罷
私田以正經界汰冗官以重名器登崇俊良放寬頌
宥奮武威以却邊寇施仁政以厚民業整頓紀度修
明禮樂三韓之民父母愛之瑤乃以昏迷闇於大體
崇信姦回廢黜忠直聽婦寺而亂田制之正任私昵

而紊名器之公政令無常以壞國法用度無節以傷
民財信群小浸潤之譖忘殿下匡復之功迺與其相
鄭夢周常謀陷之夢周陰嗾其黨之在臺諫者欲加
功臣及直言者罪羅織上書將及殿下禍在不測國
人莫不憤怨洪武二十五年七月十六日左侍中臣
裴克廉右侍中臣趙浚等五十二人如天命之所在
察人心之所歸倡以大義百官父老不謀而同合辭
勸進殿下讓至再三衆志彌固勉即寶祚市不易肆
兵不血刃會朝清明民乃大悅即遣知中樞臣趙胖
奏聞帝乃詔曰三韓之民既尊李氏民無兵禍人各

樂天之樂乃帝命也未幾中樞使臣趙琳繼還又勅
國更何號星馳來報即命藝文館學士臣韓尚質奏
請國名賜朝鮮之號且曰體天牧民永昌後嗣其獲
天人上下之助如此誠所謂應五百年而興者也臣
謹按璿源所自全之望族有司空諱翰仕新羅娶太
宗王十世孫軍尹金殷義之女生侍中自近侍中生
僕射天輝僕射生阿干光禧阿干生司徒立全司徒
生兢休兢休生廉順廉順生承朔承朔生允慶允慶
生景英景英生忠敏忠敏生闕文 有生官進官進
生大將軍勇夫大將軍生內侍執奏璘執奏娶侍中

文克謙之女生將軍陽茂將軍娶上將軍李公諱康
濟之女生知真州諱安社後仕元朝為南京五千戶
所達魯花赤即我殿下皇高祖今封穆王陵號曰德
配李氏千牛長史諱公肅之女今封孝妃陵號曰安
皇曾祖諱什里襲封千戶今封翼王陵號曰智配登
州崔氏今封真妃陵號曰淑皇祖贈贊成事諱椿今
封度王陵曰義陵配文州朴氏封敬妃陵曰純陵皇
考榮祿大夫判將作監事朔方道萬戶贈門下侍中
諱子春屢立邊功以長萬夫至正庚子四月甲戌病
薨于朔方道年四十六其年八月丙申葬于咸州之

東歸州之原今封桓王陵曰定陵妃崔氏贈判門下
永興伯靖孝公諱閑奇之女封懿妃陵曰和陵世積
勲德肇基王迹善鍾慶發源遠流光篤生聖哲以建
大業天之眷佑有德至矣王凡三娶懿妃又生一女
適三司左使趙仁璧李氏生男曰元桂仕前朝封完
山君平金氏定安翁主生男曰和封義安伯殿下配
韓氏贈領門下府事諱卿之女先薨贈節妃陵曰齊
陵生男曰芳雨封鎮安君曰芳果永安君曰芳毅益
安君曰芳幹懷安君曰諱太宗靖安君曰芳衍早歿贈
元尹女二皆幼繼室康氏判三司事諱允成之女封

頭妃生男曰芳蕃撫安君曰芳碩幼女適京山李氏
濟封與安君鎮安娶贊成事池裔之女生男曰福根
元尹永安娶贈門下左侍中金天瑞之女益安娶贈
門下贊成事崔仁科之女生男曰石根元尹懷安娶
贈門下贊成事閔璿之女生男曰孟衆元尹靖安娶
藝文館大學士閔霽之女撫安娶歸義君王某之女
臣竊觀帝王之興其祖宗積累之遠本支蕃衍之多
未有若同家者也爰自后稷歷數十世以至文武而
興王業振振麟趾詵詵螽斯實基磐姬八百年之曆
亦由先世仁厚之德以致之者也今我國家自司空

陽明集卷三十六
四
至于桓王積善悠久而我殿下以英明之資神武之
略遠紹遺烈光膺大慶以開億萬世無疆之休金枝
之行既茂且著誠與周家並隆是其積之者久故發
之者大樹之者固故傳之者遠於戲盛哉臣某拜手
稽首獻銘銘曰

於皇仙李 本固根深 粵自司空 世茂德音

長發其祥 至于桓王 詠我明主 奄有東方

曆數攸歸 不試戎衣 與民更始 昭布德輝

王曰不穀 獲膺天祿 寔繇祖宗 毓慶之力

乃稽舊章 追謚以王 潛德斯至 不顯其光

振振公姓 即薦其慶 維本維支 萬世有永

瞻彼歸州 有峙其丘 王氣鬱葱 無彊維休

臣拜稽首 我銘不諛 刻此真珉 以示後人

有明謚康獻朝鮮國太祖至仁啓運聖文神武

大王健元陵神道碑銘并序

元本先生撰進此文未閱月考終合

石刻文頗經人更改與此文不同故兩存之

天眷有德以開治運必先有禎祥之應以彰符命之徵夏禹之興也天有玄圭之錫周武之王也夢有協卜之祥漢唐以降歷代之興莫不各有符瑞之徵非可以智求非可以力致必待聖哲之資神武之德膺

景運而誕作握瑞圖而勃興然後轉棄世而回治平
創大業而垂統緒皆由天授非出人謀惟我太祖康
獻至仁啓運聖文神武大王之在龍淵也出入將相
數十年間符瑞之現前後駢臻其為相也夢有神人
執金尺自天而授之曰慶侍中復清矣而已老崔都
統瑩直矣而少戇持此正國非公而誰夏禹玄圭之
錫周武協卜之夢庶可以追配矣其為將也庚戌之
攻兀羅兵踰鴨綠而紫氣漫空庚申之捷雲峯師出
長湍而白虹貫日漢高帝芒碭之雲氣宋太宗陳橋
之日光亦可以儼美矣戊辰之歲為崔瑩之逼攻遼

也外不敢犯上國之境內不敢違暴君之令進退惟
厲師次于威化之島霖雨數日水不甚漲及其仗義
旋旆師既渡岸大水時至全島壅溺漢光武潯陀之
水元世祖錢塘之潮皆不得而專義矣九變畝之局
十八子之說自檀君之世而已有歷數千載由今乃
驗又有異僧從智異山巖石之中得異書而來獻其
說與上所言出於檀君之世者相合此亦光武赤伏
符之類識緯之說雖云不經然亦理數之或有自古
而屢驗天之眷佑有德信有徵哉臣謹按璿源李氏
全之望姓自新羅司空諱翰而後二十三世至皇烈

考桓王積累承籍之美則我太祖龍淵之時先正李
穡所撰桓王墓碑具載之矣我太祖創業垂統神功
偉烈之盛追王四代之時文臣鄭惣所撰桓王定陵
之碑悉書之矣臣今承命不敢贅陳姑撮其大言之
司空始娥新羅宗姓之女六世而至兢休始仕高麗
十三世而至皇高祖穆王始仕皇元而長千夫四世
龍表爵咸能齊美元政既衰皇考桓王還仕高麗恭愍
王時紅賊起侵犯上都躡轢遼瀋天下莫敢遏其鋒
至正辛丑來陷王京恭愍播越遣使克復我太祖先
登獻捷威聲始振明年壬寅走胡人納哈出又明年

癸卯逐僧王塔帖木摧鋒却敵所向必克由是恭愍
特倚益重累官將相出入中外制寇安民屢立殊績
彌令明信秋毫無犯豁達濟時之量仁厚好生之德
出於至性廟堂運籌之暇戰陣投戈之隙引名儒商
確經史亶亶無倦或至夜分不寐尤樂觀真德秀大
學行義慨然有挽回世道之志勇略蓋世英銳絕倫
一時物望亦莫不注意恭愍暴薨蛆蚋竊位權姦擅
國濁亂朝政貪黷殺奪同有紀極侍中崔瑩憤肆誅
戮過於慘酷賴我太祖全活頗多瑩以太祖清忠勇
烈特舉為右侍中仍授右軍都統節鉞妄動師旅逼

遣攻遼於是有威化之次倡率諸將仗義旋旆以洪
武二十一年戊辰六月執退瑩代以名儒李穡為左
侍中更新庶政以安一國方是時也前遭貪暴之濁
亂後致狂悖之構釁寡危亡岌禍亂莫測微我太祖
轉移之力一國民命殆靡爛矣穡白我太祖曰公今
舉義回戈討罪以尊中國老夫居上同任國政使公
忠誠畢達璜續吾之責也剋日如京我太祖為擇諸
子以今我主上殿下充書狀官從穡偕朝高皇帝深
嘉忠誠優禮而遣己巳之秋欽奉帝旨責以異姓為
王氏後太祖與諸將選立王氏宗親定昌君瑤盡心

匡輔修明政刑章私曰以戢套攘重名器以汰冗濫
群情胥悅冷然望治功高見忌讒慝交構定昌昏暗
反惑貝錦我太祖屢以盛滿上箋請老而不得謝會
因西行遘疾而還謀者抵隙禍切剥膚我殿下應機
制變芟除根株支儻无辭定昌政昏國勢机捫以洪
武二十五年壬申秋七月十六日天誘殿下與左侍
中臣裴克廉右侍中臣趙浚等五十二人倡義推戴
臣僚父老不謀僉同我太祖聞變驚起牢讓再三乃
迫輿情勉登王位不下堂陛而化邦國易姓受命易
如轉丸非天靖國啓佑有德疇克如茲即遣知中樞

臣趙胖奏聞帝詔曰三韓之民既尊李氏民無兵禍
人各樂天之樂乃帝命也繼又有勅國更何號星馳
來報即遣藝文館學士臣韓尚質奏請國名又詔曰
惟朝鮮之稱美可以本其名而祖之體天牧民永昌
後嗣蓋我太祖威聲素著天下服其勇忠義我既效天
下高其智勲德升聞簡在帝心故當請命輒蒙俞音
豈偶然哉越三年甲戌夏帝命遣親男入朝我太祖
以我殿下通經達理嘗朝帝廷即遣應命既至數奏
稱旨優禮慰遣其冬十月定都于漢陽營宮室建宗
廟追尊皇高祖穆王皇高祖妣孝妃李氏祀一室皇

曾祖翼王皇曾祖妣貞妃崔氏祀二室皇祖度王皇
祖妣敬妃朴氏祀三室皇考桓王皇妣懿妃崔氏祀
四室又各於山陵置守陵戶以時致祭修禮樂而崇
祀事定章服而辨等威贍資養而興學增奉祿而勸
士辨詞訟之紛爭重守令之黜陟弊政急葺庶績惟
熙謹侯度以虞事大備戰艦以嚴禦侮帝賜歲至倭
邦獻琛海寇龍威來服繼踵四境按堵民安物阜我
太祖巍巍聖德真所謂天錫勇智時又聰明神武而
不殺雄偉而不常豪傑之主也姦臣鄭道傳以表辭
獲譴帝再遣使責取諉疾不行陰謀動兵攻遼拒命

戊寅秋八月辛未太祖弗豫之隙謀去諸嫡欲挾幼
孽以肆已志夜聚私第禍機已迫我殿下炳機殲除
以嫡以長請封上王為世子彞倫以正宗社載定九
月丁丑我太祖以疾未瘳內禪于上王上王未有繼
嗣且謂開國定社咸我殿下之績又冊殿下為世子
庚辰秋七月己巳奉冊寶上我太祖啓運神武上
王之號冬十有一月癸酉上王亦以疾禪位于我
殿下遣使請命今皇帝即祚賜以誥印永樂元年夏四
月遣都指揮高得左通政趙居任來封我殿下為國
王繼遣翰林待詔王廷岭行人崔榮來賜殿下袞冕

九章錦段紗羅書籍王妃冠袍錦段紗羅我太祖錦
段紗羅各有差自是樂財絲綃珍玩之賜連歲登至
寵眷之重視古無比以永樂六年戊子五月二十四
日壬申我太祖宮車晏駕春秋七十四歲在王位七
年老不聽政十有一年臣民咸願父臨萬歲永享榮
養一朝登仙弓劍忽遺嗚呼痛哉我殿下哀慕因極
亮闇盡禮謹率群臣奉冊寶加上太祖至仁啓運聖
文神武大王之號以是年九月初九日甲寅葬于城
東揚州治之儉巖山陵曰健元置寺其傍額曰開慶
以薦冥福喪葬之禮克盡誠心一遵古典遣使訃告

皇帝震悼罷朝特遣禮部郎中林觀賜以牢為文以祭其略曰惟王明達好善出乎天性敬明天道效義據忠恭謹事天保恤一方之民以臻富庶我皇考深嘉忠誠特賜復國號曰朝鮮王功德之著雖古朝鮮之賢王無以過也又賜誥命謚曰康獻又勅殿下賜賻特厚寵異之典備極無憾惟我太祖畏天之誠基之於前我殿下繼志之孝承之於後聖祖相承克享天心故能精誠通於神明福慶迄於宗社終始之際大獲天人上下之助如此其至嗚呼盛哉首妃韓氏安邊世家贈領門下府事安川府院君諱卿之女

先薨初謚節妃後加謚承仁順聖神懿王后誕六男
二女上王居二我殿下居五長曰芳雨鎮安君先卒
次三芳毅益安大君亦先卒次四芳幹懷安大君次
六芳衍登科不祿贈元尹女長慶慎宮主下嫁上黨
君李倂非一李也次慶善宮主下嫁青原君沈淙次
妃康氏判三司事兄成之女初封顯妃先薨謚神德
王后誕二男一女男長芳蕃贈恭順君次芳碩贈昭
悼君女慶順宮主下嫁興安君李濟亦非一李皆先
卒上王配金氏今封王大妃贈門下侍中天瑞之女
無嗣我中宮靜妃閔氏驪興府院君謚文度公諱齊

之女誕四男四女男長世子提次祐孝寧君次今上
忠寧君次幼女長貞慎宮主下嫁清平君李伯剛亦
非一李次慶貞宮主下嫁平壤君趙大臨次慶安宮
主下嫁吉川君權趾次幼鎮安聚贊成事池淵之女
生二男長曰福根奉寧君次曰德根元尹益安娶贈
門下贊成事崔仁斗之女生男曰石根益平君懷安
娶贈門下贊成事閔璿之女生男曰孟宗義寧君臣
觀歷代受命之君靈瑞之慶當時秉筆之士必詳記
而特書之以昭德之符而杜非覲輝映簡冊流光罔
極今我朝鮮之誕興也受命之符駢集輻注于古有

光武雖在德不在慶然天心之眷佑由是而益彰是
宜大德受命既得其位又得其壽峙洪基於不拔流
景祚若無窮與天地而久長矣臣以不材叨居載筆
因當備錄以示于後况茲濫承勒碑之命敢不益欲
竭情覃思鋪張盛德以垂耿光然臣近筆力鄙拙不
足以發揚盛美稱塞明旨是猶蠡測河海毫拳天地
豈能臻其涯涘窺其髣髴哉謹撰勲德在人耳目者
敢拜手稽首而獻銘其詞曰

遂古遐邇

兩儀肇闢

人參為三

立以司牧

迺長迺治

迺眷有德

非天諄諄

有命赫赫

禹錫玄圭 周夢懷卜 歷代之符 史具可覲

惟我朝鮮 肇基王迹 夢有神人 授以金尺

紫氣漫空 虹凝日色 慶瑞聯翩 天心昭晰

肅運既終 自取顛覆 惟君昏狂 維相慘酷

農月興師 大邦構隙 國既蔑咨 危亡岌岌

我旆義旋 罪人斯得 忠誠上聞 帝心載憚

繼奉綸音 王祀復續 迺反柔昏 以訖天祿

曆數有歸 輿情斯迫 大業既成 市肆不曷

高皇曰咨 惟爾有國 民無兵禍 樂天之樂

繼賜國號 朝鮮是復 相地定都 于漢之北

虎踞龍蟠 王氣攸積 宮室崇崇 宗廟翼翼
寅祀祖宗 尊以王爵 仁深好生 治蔚思輯
百度具修 萬化斯洽 臣民父老 蹈舞歌曲
昔我顛隳 方為魚肉 今我咸蘇 沐浴膏澤
耕鑿而居 仰事俯育 壽考萬年 永膺多福
廼倦于勤 傳付聖嫡 嫡又讓功 惟世惟及
明明我后 炳幾若燭 雨霰方凝 見睟即釋
禍亂再平 其慶克篤 開國定社 咸我之績
大命難辭 神器有托 祇奉兩宮 虔恭愈恪
孝弟通神 帝眷允渥 寵賚歲盛 如山如岳

四境奠安 遐邇靜肅 遭喪惇惇 哀慕踊擗

帝聞震悼 遣使吊哭 大牢有祀 厚賻有勅

美謚褒嘉 恤典備飭 自天佑之 終始丕忒

景祚綿綿 子孫千億 於萬斯年 永保宗祏

高山可飛 滄海可涸 宗祀悠長 與天罔極

石刻本

四

天眷有德以開治運必先現異彰其符命夏有玄圭
之錫周有懷卜之夢由漢以降代各有之皆有天授
非出人謀惟我太祖大王之在龍淵也敷德既隆符
命亦著夢有神人執金尺自天降而授之曰公宜持

此國夏圭周夢奇同符矣又有異人來問獻書云
得之智異山巖石之中有木子更正三韓之語使人
出迎則已去矣書雲觀舊藏秘記有九變震檀之畝
建木得子朝鮮即震檀之說出自數千載之前由今
乃驗天之眷佑有德信有徵我臣謹按璿源李氏全
州陞姓司空諱翰仕新羅娶宗姓之女六世而至兢
休始仕高麗十三世而至皇高祖穆王八仕元朝而
長千夫四世龍襲爵咸能濟美允政既衰皇考桓王還
事高麗恭愍王至正辛丑紅寇陷王京恭愍南遷遣
使克復我太祖先登獻捷明至壬寅擊走胡人納哈

史記

出又明年癸卯却逐偽王塔帖木恭愍恃倚益重累
官至將相出入中外樂觀經史亶亶無倦濟時之量
好生之德出於至性恭愍薨異姓竊位權奸擅國濁
亂朝政海寇深入焚掠郡縣洪武庚申我太祖戰捷
雲峯東南以安戊辰侍中崔瑩誅戮權奸過於慘酷
賴我太祖全活頗多瑩以太祖為侍中仍授右軍都
統節鉞逼遣攻遼師次威化島倡率諸將仗義旋旆
師既登岸大水沒島人皆神之執退瑩代以名儒李
穡為左侍中方是時也權奸濁亂托恃構隙危亡岌
岌禍亂莫測非我太祖轉移之力一國殆矣穡曰今

高 高 高

公舉義以尊中國然非執政親朝則不可尅日如京
太祖為擇諸子以今我主上殿下與穡偕朝高皇帝
嘉賞而遣已巳秋帝賁異姓為王太祖與將相選立
王氏宗親定昌君瑤盡心輔政革私田汰冗官群情
胥悅功高見忌謔慮交構定昌頗惑焉太祖以盛滿
請老而不得謝會因西行遘疾而還謀者益急我殿
下應機制變群謀瓦解洪武壬申秋七月十六日殿
下與大臣裴克廉趙浚等五十二人倡義推戴臣僚
父老不謀會同太祖聞變驚起牢讓再三勉登王位
不下豈陸而化邦國非天啓佑有德疇克如茲即遣

知中樞院事臣趙鼎奏聞帝詔曰三韓之民既尊李氏民無兵禍人各樂天之樂乃帝命也繼又有勅國更何號即遣藝文館學士臣韓尚質奏請又詔曰維朝鮮之稱義可以本其名而祖之體天牧民永昌後嗣繇我太祖威聲義烈升聞于上簡在帝心故當請命輒蒙俞旨豈偶然哉越三年甲戌夏有樸國家者帝命遣親男入朝太祖以我殿下通經達理賢於諸子即遣應命既至敷奏稱旨優禮賜還其冬十一月定都于漢陽營宮室建宗廟嘗已追尊四代皇高祖為穆王配李氏為孝妃皇曾祖為翼王配崔氏為貞

妃皇祖為慶王配朴氏為敬妃皇考為桓王配崔氏
為懿妃修禮樂而祀祀事定章服而辨等威興學以
育才重祿以勸士辨析詞訟慎簡守令獎政悉革庶
績惟熙海寇來服四境按堵我太祖巍蕩盛德真所
謂天錫勇智聰明神武雄偉之主也好奸臣鄭道傳以
表辭獲請帝庭陰謀拒命戊寅秋八月棄我太祖不
豫之隙欲挾幼孽以肆已志我殿下炳機殲除以嫡
以長請達上王為世子九月丁丑太祖以疾未瘳禪
于上王上王未有繼嗣且謂開國定社咸我殿下之
績乃冊為世子庚辰秋七月己巳獻太祖以啓運神

武大上王之歸冬十有一月癸酉上王亦以疾禪位
于我殿下遣使請命永樂元年夏四月帝遣都指揮
使高得等奉詔印來封我殿下為國王繼遣翰林待
詔王迨岭等來賜殿下袞冕九章扶視親王我殿下
奉養兩宮誠敬備至永樂戊子五月二十四日壬申
太祖晏駕春秋七十四歲在王位七年老不聽政十
有一年弓劔忽遺嗚呼痛哉我殿下哀慕罔極諒闇
盡禮奉冊寶上太祖至仁啟運聖文神武大王之號
以是年九月初九日甲寅築于城東楊州治之儉巖
之山陵曰健元及訃聞皇帝震悼罷朝即遣禮部郎中

林觀等賜祭以太牢其文略曰惟王明達好善出於
天性敬順天道效義據忠恭謹事大保恤一方之民
我皇考深嘉忠誠賜復國號曰朝鮮王功德之著雖
古朝鮮之賢王無以過也又賜誥命謚曰康獻又勅
殿下賜賻特厚寵異之典備極無憾蓋我太祖畏天
之誠殿下繼志之孝前後相承克享天心故於終始
之際大獲天人上下之助如此其至嗚呼盛哉云臣
觀歷代受命之君德業之盛符命之神輝映簡冊流
光罔極今我朝鮮之誕興也盛德貞符于古有光是
宜既得其位又得其壽時洪基而流景祚與天地而

久長矣臣近濫承勒碑之命敢不竭精鋪張盛德以
垂耿光然臣筆力鄙拙不足以發揚盛美稱塞明旨
謹撰勲德之在人耳目者敢拜手稽首而獻銘其詞
曰

天生斯民 立以司牧 迺長迺治 迺睦有德

非天諄諄 有命赫赫 禹錫玄圭 周夢協卜

唯我朝鮮 肇基王迹 爰有神人 授以金尺

符籙前定 天心昭晰 麗運既終 君昏相酷

農月興師 大邦構隙 我旆義旋 罪人斯得

忠誠上聞 帝心載懌 曆數有歸 輿情斯迫

大業既成 市肆不易 高皇曰咨 惟爾有國
民無兵禍 樂天之樂 繼賜國號 朝鮮是復
相地定都 于漢之北 虎踞龍蟠 王氣攸積
宮室崇崇 宗廟翼翼 仁深好生 治爵思輯
百度具修 萬化斯洽 迺倦于勤 傳付聖嫡
迺讓于功 惟世惟及 明明我后 有幾必燭
禍亂弄平 其慶克篤 開國定社 成我之績
大命難辭 神器有托 祇奉兩宮 虔恭愈恪
孝身通神 帝眷尤渥 遭喪惻惻 哀慕踊擗
帝聞震悼 遣使吊哭 太牢有祀 厚賻有勅

美謚褒嘉 恤典脩飭 自天佑之 終始不忒
景祚綿綿 子孫千億 宗祀悠長 與天罔極

陽村先生文集卷之三十六

陽村先生文集卷之三十七

有明朝鮮國承仁順聖神懿王后齊陵神道碑

銘并序

自昔帝王受命而興必賴妣匹之賢俾德毓慶以永
厥緒夏有塗山而啓能繼周有大妣而武王承禹文
配天之祀繇是有永猗歟盛哉惟我神懿王后天資
淑懿坤德柔貞早嬪龍淵弼成王業篤生聖哲垂統
罔極神功懿範比古無愧獨惜夫大勲垂集仙遊甚
遽太上開國而莫崇其壺儀二聖承緒而莫致其榮
養山陵掩耀霜露增悲嗚呼勸哉初謚節妃陵號曰

齊後加謚神懿王后置仁昭殿以安真容追崇之典
已備舉矣我主上殿下慟念慈儀永閔孝思莫伸爰
命攸司勒銘豐碑令臣近為文垂示萬世臣近承命
悚恐不敢以辭謹按后姓韓氏安邊世家皇考諱卿
贈忠誠恭謹積德毓慶輔理功臣壁上三韓三重大
匡領門下府事安川府院君皇祖諱珪仁贈積善毓
慶同德贊化翊祚功臣特進輔國崇祿大夫門下左
政丞判都評議使司事兼判吏曹事安川府院君皇
曾祖諱裕贈純誠積德佐命輔理功臣崇政大夫門
下侍郎贊成事同判都評議使司事兼判戶曹事安

原君皇妣申氏封三韓國大夫人贈秉義純德輔祚
功臣崇政大夫門下侍郎贊成事同判都評議使司
事判刑曹事元麗之女后生而淑婉聰慧異常及笄
擇配來嬪于我太上王初為將相數十年間出八攻
戰靡有寧歲后能竭力營家勉以成功又性不妬忌
禮遇妾侍克有多男教誨以義今我主上殿下睿哲
英武聖學日進年未及冠擢第春官當僞辛戌辰之
歲侍中崔瑩謀欲猾夏以我太上王威望素著授以
節鉞俾往攻遼太上王仗義還師執退崔瑩代以名
儒李穡中外晏然邦國永賴穡告太上王曰當茲構

新茲旦復言新至意獻國祿信去信敵都之信
至帝與諸侯之新賞新親必責煉八日太王不
王王以非幾不並路獻新是實信于命新來對以計
陳輔之美新法三辛甲迨更帝之新對令陳賂畏太
對對人美帝新經衣懷肆神信王信且更國新必新
太王王所然新對西明王對市新不更會陳新眼明
二三大目對以大新對對父不新兩同合新新漢
策信新新新新新新新新新新新新新新新新新
新不來新新新新新新新新新新新新新新新新
不盡新新新三辛甲迨更帝之新對令陳賂畏太

辛辛日教文帝最重之者必韋韋文陽關新語本
一曰癸酉王亦以我起于非幾不意對請命即
以日奉無寶此王太王教戰所為之報多十成
開國家非此幾不之費無為母子以武固本殊不
意不問安置新安不意幾王王以未取臨且其
我幾其幾幾幾不率偏林王武明平安結王谷我幾
以我引休等幸幾幾同京幾幾幾幾幾幾幾幾幾幾
坪坪家此日下在太王以幾未幾幾幾王王東承五
龍太王以敵以牙幾幾王王林桂世王幾幾幾五宗
幾幾幾幾幾幾幾幾幾幾幾幾幾幾幾幾幾幾幾幾
幾幾幾幾幾幾幾幾幾幾幾幾幾幾幾幾幾幾幾幾

家聚黨禍發斯迫殿下炳幾先其未發誅除以潛申
請太上以嫡以長迎致上王冊封世子熹倫既正宗
社載定九月丁丑太上以疾未瘳傳位上王庚辰正
月逆臣朴苞等謀戕同氣誘掖懷安父子稱兵向闕
逆勢甚熾我殿下率勵將士旋即平定誅止苞身餘
悉不問安置懷安不廢懿親上王以未有繼嗣且其
開國定社咸我殿下之績冊為世子以定國本秋七
月己巳奉冊寶加上太上王啓運神武之號冬十有
一月癸酉上王亦以疾遜位于我殿下遣使請命明
年辛巳建文帝遣通政寺丞章謹文淵閣待詔端木

禮奉誥命印章來封我殿下為王冬遣鴻臚寺行人
潘文奎來錫冕服秩比親王今皇帝即位誕告萬邦
殿下即命左政丞臣河崙入賀登極帝嘉忠誠事大
賜以誥印遣都指揮高得左通政趙居任以今年夏四
月來仍封為王秋九月又遣翰林待詔王迺岭行人
崔榮來錫袞冕九章錦段紗羅書籍王妃冠袍金段
紗羅太上王金段紗羅希世龍典先後還至蓋我殿
下功德之盛實天所啓專付大東以迄鴻休宜受帝
眷之隆以膺天祿之永也肇基之迹雖自祖宗為生
之慶實繇神懿噫嘻盛哉后生六男上王居二我主

卷之三

四

上殿下居五長曰芳雨封鎮安君先卒次三芳毅封
益安大君次四芳幹懷安大君次六芳衍登科不祿
二女長慶慎宮主適贊成事李得次慶善宮主適清
原君沈淙上王妃金氏今封王大妃贈左侍中天瑞
之女我殿下配靜妃驪興府院君領藝文春秋館事
閔霽之女男長元子提次三男皆幼女長貞順宮主
適清平君李伯剛次慶貞宮主適平寧君趙大臨餘
皆幼鎮安娶贊成事池裔之女生男曰福根奉寧君
女適少尹李叔畝益安娶贈贊成事崔仁斗之女生
男曰石根元尹女適僉摠制金閑懷安娶贈贊成事

閔璿之女生男曰孟宗義寧君女適宗簿令趙慎言
餘皆幼臣近嘗觀三代聖王后妃之德莫盛塗姒載
在詩書千古炳耀神懿之德誠可儼美第以臣近學
識膚淺筆力鄙拙雖極形容盛德如繪天地曷能髣
髴其萬一哉敢稽周雅大明思齊之義謹述銘詞拜
手稽首以獻其詞曰

上帝赫赫 啓佑有德 匪伊私之 為民之極
其啓維何 迺生柔嘉 來配于德 允宜室家
載震載育 厥靈是赫 篤生聖哲 天人攸屬
扶翊聖父 誕作民主 躬朝帝庭 保我邦土

擎茅之萌 炳幾維明 廓爾汛掃 宗社載寧

功成克讓 以尊嫡長 彞倫既正 基勢益壯

迺遭牆闌 不忍致辟 俾獲保全 友愛彌篤

維德之隆 維功之崇 宜紆帝眷 錫命稠重

明明帝誥 煌煌金寶 我龍受之 萬世永保

粵惟王迹 祖宗攸積 誕我聖神 繫由后德

臣拜稽首 獻辭不苟 萬世昭垂 天地永久

迷源縣小雪山菴圓證國師舍利塔銘并序

王師圓應尊者馳書於予曰吾先師大古國師大有
異德及示寂舍利甚多上心敬重命有司謚曰圓證

塔曰寶月昇空樹于重興寺東峯牧隱相國奉教以
銘礮石作鍾藏舍利非一所曰陽山舍那青松大古
菴是已又於迷源小雪菴樹塔以藏小雪師之所始
終焉者也師嘗入龍門山發十二大願自是道日進
既有得遊入中國謁石屋珙公於潮州一言相契授
以信具石屋臨濟之直派也及東還過迷源有老吏
泣請留因卓菴於龍門之北麓號之曰小雪山躬耕
以居者累稔此師所以始之也玄陵封王師尊禮甚
極雖有歷居廣明陽山迦智等寺間必往小雪居焉
初驚城眈以左道惑上師白於玄陵曰彼實邪妄願

上勿通玄陵不訾眈舍之眈始用事師還印章寓於
全之普光寺眈欲害之誣以汙言幽之俗離山未幾
玄陵悔之請還小雪眈果逆誅玄陵曰吾恨不用吾
師之言遣使加封國師今上嗣位請住陽山寺又封
國師壬戌夏師年八十二矣自陽山還小雪冬十二
月示疾定時日如期而逝此師所以終之也始於此
卓錫終於此茶毗樹塔於此亦宜也諸歲舍利之所
皆得巨筆以誌獨於小雪尚未有銘者非歟歟時之
大儒若牧隱陶隱三峯諸公皆已有言於吾師而吾
子獨無幸無讓予不敢居數君子之列固辭不獲命

乃言曰佛氏之道玄微高遠固難以言語形容況僞
者所不究敢妄議哉惟師之德相孚於石屋師之智
卒驗於鷺城所造可謂高矣所見可謂明矣然其闡
奧非具眼者莫能知惟舍利之異赫然播人耳目聞
者起敬信之心是宜藏而表之以示於無窮也銘曰
能仁道大 包含無際 五葉東敷 開士緇緇
粵吾大古 允也天啓 遠參于珙 惟道之契
先見于眇 惟智之睿 道則高矣 人莫能睇
赫然舍利 衆所瞻彩 宜藏名山 永示來世
有明朝鮮國普覺國師碑銘并序

上肇位三年春二月己亥駕幸檜岩寺命臣近若曰
脩國師在前朝道行高一世逮余莅祚之初而奄逝
余甚悼焉今其徒礪石厝骨又欲勒碑以示後甯宜
為銘臣近承命悼恐不敢以不文辭師諱混脩字無
作號幻菴本姓趙氏廣州豐壤縣人考諱叔鵠憲部
散郎妣慶氏本清州皆士族也憲部出宰龍州以正
祐庚申三月十三日生師于治所嘗一日出田見一
鹿走且止而顧視者再欲發矢異而顧之有其兒追
母而來乃嘆曰歟之念兒與人何別即罷獵不數月
病終于州妣奉喪提孩以歸師少嘗嬰疾卜之曰此

兒出家終不病作大和尚矣年甫逾一紀妣謂師曰
汝生之初汝父以憐汝故感鹿母兒以休其獵是汝
慈仁護生之道已現於襁褓之日矣況卜者言然令
授大禪師緇松祝髮訓習內外典聰慧異常月開日
益卓然有拜遂為屈下第二座至正紀元辛巳赴禪
試登上上科儒釋明遊日以親附每歎身命幻化靡
常超然有脫棄名韉之想忽聞母鄰有暴亡者益自
悲感決意入山辭母將行夢見日輪直照師面既覺
欣慶徑往金剛山即八年戊子秋師年二十有九歲
也攝心不寐脇不暫衡功夫日進既二稔聞其母意

望不置即來覲省寓止京山不敢遠遊凡五六年及
母卒倩寫大字妙法羣經以資冥福謁息影鑑和尚
于禪源學楞嚴深得其髓故宰相趙公雙重新結休
休菴迺師請演首楞要旨言才清發令人悲喜因住
三年往建之青龍寺青龍西麓泐溪而上峯回境靜
有屋舊址躬櫟木石經營無憚既成扁以宴晦蓋自
表也玄陵高師行誼請住檜岩寺不就乃入
金數山又入五臺山居神聖菴時懶翁勤和尚亦住
孤雲菴數與相見咨質道要翁後以金欄架漆象牙
拂山形杖遺師為信辛丑秋命江陵道按廉使起師

赴關俾主登壇之戒師於中道遯走晦迹山水間遍
歷名山操守益固己酉白城郡人金璜邀師以願剎瑞
雲寺師至開僧堂葺廊廡大張禪會四衆聞之造謁
者衆洪武三年庚戌秋七月上設功夫選場大集禪
教山門衲子命懶翁試之上親臨觀翁下一語諸衲
無一能對者上不憚將罷師後至具威儀立堂門階
下翁問如何是當門句師即上階畲曰不落左右中
中而立問八門句師八門曰八已還同未八時問門
內句曰內外本空中云何立翁又以三關問曰山何
嶽邊止畲曰逢高即下遇下即止門水何到成渠曰

陽本卷三十一
大海潛流到處成渠問飯何白米做曰如蒸沙石豈
成嘉餐翁乃額之上勅攸司制八格文留宗門師知
上欲命住院不告出城隱於圍鳳山五年壬子壓於
上命住佛護寺越明年有旨徵入內佛堂師用夜半
潛出直往平海之西山勅諸道搜之不已乃出應命
甲寅正月始入院上屢咨法要王大妃尤加敬重及
九月上賓于天康宣君立賜以廣通無碍圓妙大智
普濟之號乙卯秋移住松廣社丙辰三月上書辭院
歸瑞雲寺戊午自雉岳還宴晦忽一日有賓及門師
即入室托疾不出賓果中使請師主光嚴師以疾

辭不獲乃起以來僅閱三霜請退不報即以宵巡抵
于原之白雲菴自後歷徙龍門清平雉岳諸山誓不
復作住持癸亥二月朝議欲遵舊制擇立釋門名德
以為師範時望咸注于師師聞謀欲隱避門人甘露
長老慶觀曰此自安之計耳方今國主尊崇我法欲
舉斯事意甚盛也願師為法小安無躁師果不行夏
四月朔甲戌王遣相臣禹仁烈等奉御書印章法服
禮幣就所寓宴晦庵冊為國師大曹溪宗師禪教都
揔攝悟佛心宗興慈運悲福田利生妙化無窮都大
禪師正遍智雄尊者以忠之開天寺為下山所其秋

往瑞雲山王又遣正郎朴元素獻鞍馬邀還明年甲
子海賊深入寇忠州界廟謀慮開天林壑將為賊數
師住于彼其能安乎以聞于王遣使邀至光嶠寺既
至上言曰老僧未諱開天且住光嶠雖得一寺尚違
素志况可無乎殿下若欲俾老僧全心以追先君冥
福者願以開天差付別人王曰開天是師終住資蔭
之地光嶠是予請來演法之場無領何害師不得謝
乙丑秋命設五十日白傘蓋道場以禳天地災變名
儒韻釋多詣聽講會末王亦駕幸以致禮丙寅太妃
安氏為導玄陵請益佛頂會于輔國寺王又請於壽

昌宮主消災席及還命代言李稷伴送用表尊敬戊
辰夏王遜于外幼君襲位師乞歸開天尊使護行已
巳之冬恭讓君即祚具牋封印送納于朝入雉岳山
未數月更封國師遣使復于開天今主上之在潛邸
嘗與師願成大歲辛未秋粧校訖功置瑞雲大設慶會
恭讓君命內臣降香邀師為證壬申秋七月我主上
革命啓統師即表賀俄以老病乞解其位與寺修牋
送印遂移錫于青龍侍者湛圓奉書印詣闕上意欲
仍師事即還其印湛圓來報師感額曰吾老且病達
將不久明主如何沮吾之願未幾薨作旬日殯留雖

數起便不令人扶困不尸卧必以支脇至九月十有
八日丙申命作遺書又謂門人曰吾行在今晚可請
州官封印至晚坐曰如今臘除已到吾當逝矣即設
偈儼然示寂床坐八日貌若平時至二十五日癸卯
門人積薪茶毗于宴晦之北麓是夜有兩崇朝不止
方下大雲開天霽若有神助厥明拾骨色白如雪其
頂骨尤厚且淨門人紹安奉遺書以聞上情惻悼命
攸司賜謚曰普覺塔曰定慧圓融差遣內臣監其厝
骨又勅工造浮屠以其年後十二月甲申窆于青龍
寺之北峯是夜星朗雞鳴雨作迨累石乃歇衆以謂

異春秋七十三夏臘六十師貌清而秀氣淑以和禮
恭言切人皆愛敬持律乃堅守道乃勤位尊而心益
謙年高而行益勵禪教諸典靡不研窮寧多不師自
通誨人不倦講解詳明所至弟子彌衆入其室者多
聞人碩德不喜綴文苟下筆則辭語精微尤工於簡
牘識者稱之門人等謀欲豎碑于浮畝之側使其徒
巾雨換行狀紹安持以聞于上以有是命臣近竊惟
佛氏之道莫高於禪然其言多詭恠莫測若麻斤屎
撮之類尤可駭愕其傳愈遠而說益誕唯曹溪大鑑
師心平行直等語典實平易其道益尊故能獨高諸

祖至今學禪者皆宗之今觀吾師選場答語事理融
徹明的實且其平日訓迪學者必以真常使之易入
與大鑑同軌非若他詭幻可駭者之比是知道本坦
實而師之所造者深矣況師既有資稟之美又加功
力之勤其所得必異於人亦何疑哉是宜為銘銘曰
性海妙湛 浮漚自生 起滅無迹 恒濬以清
吾師之德 展也大成 慧悟出衆 早卓有聲
感歎奮發 辭親以行 攝心著力 不擬不衡
不落左右 中道斯征 纖塵迥絕 惠日常明
窮山晦迹 一瓶一錫 答問交符 天顏載懌

萬衲趨風 一國仰德 出作師賓 在勤弘宗
始夢日輪 厥靈斯赫 暨終有徵 法雨普洽
王命作碑 刻辭于石 盡未來際 皆師普覺

陽村先生文集卷之三十七

卷之三

七

陽村先生文集卷之三十八

碑銘類

有明朝鮮國謚文簡公安公墓碑銘並序

公諱宗源字嗣清姓安氏順興府人考諱軸號謹齋
先生中皇元制科相高麗為都僉議贊成事卒謚文
貞嘗存撫閩東著九注集行于世祖諱碩及第曾祖
諱希諱本府戶長累積不施以遺後慶文貞力學起
家位至宰相娶甘泉郡夫人文氏檢校軍器監龜之
女也以泰定乙丑五月癸酉生公公生而聰慧稍長
知讀書不事嬉戲舉止異群兒識者知其必貴至正

辛巳公年十七金左史光載試成均李侍中品歆贊
成乙輔掌禮園公一舉聯中其選壬午初權典校
勘歷三年遂為真乙酉選入藝文春秋館為二檢閱
舊居是館者率以疎放相尚公繩以禮法館中肅然
丙戌再加修撰供奉秩滿當去同僚沈東老年高位
下公讓之使得先遷文貞聞之喜曰讓德之先也我
讓於人人誰捨我吾家有人殆益昌乎後一年乃拜
三司都事自是歲遷副使有備倉丞司僕令供造所
居稱職譽聞彌播歲辛卯恭愍王立除都官佐郎壬
辰轉軍簿癸巳擢典法正郎時田民刑訟皆聚典法

公裁決平允人稱其明甲午秋公年三十選為慶尚
道按廉陞辭之日王問理民之術公先諸道按廉敷
陳詳切王稱善治果有聲其冬遷版圖乙未以軍簿
正郎出知呂興丁母憂不之任丙申夏王誅元后奇
氏之族倚勢不法者起公為殿中侍御史以振憲綱
丁酉遷起居郎知製教上封事改禮部郎中戊戌移
于吏部時罷政房以詮選歸吏兵部公掌其務不阿
權貴同列憚服庚子階朝散大夫侍御史辛丑秋出
按楊廣其冬紅賊犯松京恭愍王播越而南公先往
忠州以備供御時王左右有以事舍公者譖于王曰

按廉宗源到忠州已踰嶺而遁矣王信之遣中使執
以來使者至忠州見公在館營辦供具知其被誣執
與俱來以其事聞王釋不問左右復譖遂械繫之宰
相以非罪白王乃貶知清風郡事踰年而罷其民至
今思之癸卯為都官掾即甲辰遷典法及辛朧擅權
時彌領相士大夫爭趨附之有執政者與公言其等
薦公於領相諫官可得宜速往謁公辭曰我本疎懶
趨勢非吾所能也執政慙之反譖公出為江陵府使
有惠政未久而代閑居七八年屏跡不出詩書自娛
洪武辛亥朧伏誅壬子二月復為司憲侍史冬加典

校令癸丑遷右司議大夫知製教直寶文充春秋甲寅改左司議乙卯游歷成均大司成判宗簿寺事加通憲右常侍丙辰春拜大司憲階奉翊秋入密直為提學仍兼大司憲俄又改副使丁巳加同知戊午移簽書己未階加匡靖判崇敬府事未幾罷封重大匡興寧君庚申以商議政堂復兼大司憲辛酉加純誠輔佐功臣之號門下評理大司憲仍故壬戌春又封興寧君加功臣號純誠翊戴輔理其復知貢舉取柳亮等三十三人時稱得士亮今為中樞餘皆顯丙寅拜政堂文學大進賢知春秋丁卯罷復封君戊辰正

月侍中崔瑩得政誅權臣貪污者以公清謹除門下
黃成事判典工為提調詮選事公辭不克六月改為
商議八月判厚德府事仍掌詮選十月以藝文館大
提學兼判尚瑞司事兼判尚瑞即提調銓選之職也
已巳六月加重大匡門下黃成事判版圖世稱二相
奉使如上國賀聖節冬還恭讓君立復拜大藝文監
春秋庚午拜判三司事大右文領書雲觀事辛未進
封三重大匡興寧府院君每自以盛滿辭壬申七月
今我主上即位以公為國初元老清德重望足以坐
鎮雅俗授特進輔國崇祿大夫領三司事集賢殿大

學士參判門下府事階勳館職如故甲戌公年已
七十矣二月復奉使如上國至連山站遼東都司稱
有朝旨阻當而還三月二十四日以疾卒于第訃聞
上悼甚罷朝命遣門下左侍中平壤伯趙浚賁教書
致奠于殯賻贈有加奉常謚文簡有司具儀衛五月
庚申葬于臨津縣瑞國洞公天資簡重風神清朗持
身以慎當官以謹居家不言利臨事安詳未嘗有疾
言遷色待人接物位尊而益謙又不言人過失有善
則稱之不已每誡子弟自不妄語始長子仲溫嘗尹
安東親書訓誡之辭數十條以與之甚詳且切舉可

為法作亭於宅之後崗扁以雙清因為自號客至必
置酒不務豐侈不喜琴瑟惟以禮意款洽再掌詮選
不用私謁出入臺諫務從大体不事瑣細歷相累朝
不為子弟求恩澤謹守成憲不喜紛更議論寬厚有
宰相體趙密直之化後公二十餘年乃任江陵知父
老思公不忘為構生祀堂畫公像以掛之及公之沒
遠近聞者莫不相吊以悲公之終始可謂克全矣公
娶奉翊大夫右常侍金輝南之女生四男一女長即
溫奉翊大夫密直提學集賢館提學上護軍娶版圖判書金
安理之女無子先公沒次日景良今為資憲大夫西北

面都巡問使同中樞院事嘗以密直觀察揚廣有聲
績上重西北鄙欲付治材而難其人廟堂舉公故特
起復有是命次日景恭推忠翊戴開國功臣資憲大
夫興寧君亦以大司憲觀察金羅是三子皆登科封
母金氏為慶寧宅主歲受賜廩今以興寧佐命之功
仍其封爵秩祿不替次日景儉嘉善大夫工曹典書
敷歷臺諫按察州郡以材稱諸子克承家訓廉謹守
禮皆有父風女適某官柳厚亦端人也稱其為公家
之甥孫男女若干人都巡問使娶帶方君梁天龍之
女無子二室鄭氏生男曰民秀興寧君娶政堂文學

鄭思道之女生一男曰純左拾遺工曹娶清城君韓
脩之女生一男五女男曰民同倉庫都監判官女適
禮賓寺丞金孟誠次適生貢李允商次適奉禮郎金
闡次適卽將李士欽餘幼柳密直生二男長曰沂左正
言次曰漢都部令曾孫男女若干人拾遺娶政堂文
學鄭公權之女生二男二女皆幼長曰崇直次曰崇
善柳正言娶密直李種德之女生二男長曰方善次
曰方敬再娶判典校寺事方旬之女生一男曰方謹
東部令娶大司憲朴經之女生一男金寺丞生二女
皆幼旣葬之明年夏興寧君以大夫人之命來語於近

曰吾先公德行播在人耳目不可諛也惟圖不朽將
銘石是托子久與吾兒輩遊學同業仕同時又嘗知
吾先公事況今在藝文春秋館以任編摩之職撰銘
公墓將子無讓近不敢以鄙拙辭銘曰

崒崒高山

于興是環

淑氣攸鍾

迺降厥神

迺生碩人

溫溫其恭

位冠蟬聯

壽享稀年

善始令終

有子有孫

簪履盈門

教誨之功

瑞國之原

夏屋之墳

惟公玄宮

伐石作碑

爰刻我辭

永示無窮

追贈正智國師碑銘

並序

洪武二十八年乙亥秋七月初七日高僧泉公永寂
于天磨山之寂滅庵茶毗既有日夢于其徒海昌曰
爾何棄設利不收昂即驚起告其徒奔往茶毗之所
得舍利無筭光甚明瑩山中諸衲競集來禮頂戴感
慕嘆未曾有上聞而異之追謚正智國師門人覺眼
等就彌智山龍門寺置浮圖安骨又欲立碑紀德戊
寅之夏來京以聞上命臣近文之近退而詢諸覺眼
師諱智泉俗姓金氏載寧人考諱延司宰副令妣尹
氏義城府士族以元泰定甲子生年十九祝髮于長
壽山懸庵寺初不學文字直叅禪旨後學楞嚴不甚

晚又學南明久若有得於是更考楊巖大義了然質
諸講師徃徃有學解所未到處講師乃服至正癸巳
與令王師無學俱入燕京謁指空于法泉寺時懶翁
先入燕受指空印可道譽既著二師皆投師之間遊
叅訪所造益高又徃五臺山謁碧峯和尚有名士趙
氏仲穆為書竺源古篆二大字以贈師之號也丙申
還國入香山歷五臺小白智異彌智等諸山所至必
獨屏一室不隨衆會常寡言笑謹重而已或有咨其
道要者隨問而應言希以究不問則不言衆頗以老
故敬之而已未嘗知有異德也懶翁無學相繼有重

聲為王者師大振宗風四衆奔波靡然趨嚮而公獨
韜光晦迹潛隱雲山未嘗一領衆會一主講席專修
內朗至老無倦不寂之夕與侍者訣趺坐而逝及顯
舍利之異然後衆服其德以為真得道者也春秋七
十二臘五十四予嘗聞浮屠氏既覺來者聖解俱泯
混迹塵凡異類中行師真其人歟覺眼事師三十年今
觀其為人質慤無文其言甚訥是亦其師之徒歟浮
屠有碑自唐已然然其師必大顯於世其徒亦大盛
於時者之所為也師而不耀徒亦單寡尚欲光昭其
師之德拳拳致力而不辭如覺眼者豈未有焉是

可嘉也矧承上命敢不敬銘銘曰

卓彼泉公

默契其妙

迹泯外彰

智融內照

始訪于遠

終晦于隱

匪覺其覺

無聞之聞

爲絕舍花

人孰知德

惟舍利存

厥靈以赫

伐石以藏

于山之陽

密護邦國

永鎮無彊

有明朝鮮國追贈推忠直節守文秉義輔祚功

臣特進輔國崇祿大夫門下右政丞判都評議

使司事兵曹事修文殿大學士領藝文春秋館

事西原伯謚文簡公行光祿大夫刑部尚書集

賢殿學士李公神道碑銘並序

永樂元年秋八月領司平府事西原府院君李公以
先君墓碑屬予而言曰吾先君子種德不食以遺我
後人仍父子荷寵榮位崇祿厚追爵先世焚黃展祀
用昭恩數而其墓道尚未有碑無以示後且吾不幸
幼孤三兄亦皆先逝惟先人德行莫得而詳堙晦不傳
是懼爾子其為考世系歷官而為之銘予不獲辭謹
按李氏清州之籍為國望族最顯且久高麗太祖
之肇興也有諱能希克左右有功封為國公圖形登
上至六世孫諱公升操行修潔相仁王毅王嘗奉使
于金不受一錢清德益彰毅王於秋夕翫月天朗無

雲嘆賞久之乃曰今宵明月猶公升宵中無一點塵埃卒謚文貞上下數百年間子孫濟美世德相承逮文簡公益自飭理以貽後慶司平公與其子上黨君協心戮力相我朝鮮再有定社佐命之功同建勲盟並崇台鼎上黨與弟清平君皆尚公主積善之慶益大以昌吁其盛哉文簡公諱挺古名春吉恭定乙丑公年二十九始以門陰拜八關寶判官明年冬中丙科第二人及第繇奉車直長歷移典法佐郎致和元年以版圖正郎出知草溪郡事有惠政後拜監察掌令典法揔郎察訪慶尚道閑居十載優游自逸至正

癸巳復拜中正成均祭酒加奉順判典校寺事進賢
館提學日正順判通禮門事乙未判尉衛寺事實
文閣提學階加奉翊儀遷右常侍丁酉改授榮祿大
夫右散騎常侍集賢殿學士戊戌光祿大夫刑部尚
書館職如古此其歷仕也公嘗以清儉自律循蹈禮
則不隨俗俯仰世俗服其正直退居鎮州之常山不
求官達恭愍王在潛邸久聞其賢及即位召至于京
嘉其清慎提調內佛堂事親書文貞公操履大節及
毅王翫月嘆賞之語緬以公志慕祖先亦薄世味之
事累百餘言以賜之方將大用遽歸舊隱辛丑六月

十九日以疾卒春秋六十三葬于常山之南麓父諱
奎城重大匡琅城君謚正憲祖諱昌祐版圖總郎贈
密直司使曾祖諱粧殿中監贈知門下省事郎文貞
公子叅知政事諱椿老之子也外祖謚文慎公金駢
某州人夫人溟州金氏某官縉貂之女享年七十後
公十五年以洪武乙卯四月二十一日卒葬于公塋之
傍又其後二十餘年以司平之功贈公門下右政丞
西原伯封夫人卞韓國推恩典也有男四人女二人
男長曰由信登壬午科以刑部郎中出按慶尚道先
公歿次日居仁檢校左政丞卒謚恭節次日居義工

曹典書早歿次曰居易門下左政丞今為領司平府
事西原府院君女長適檢校門下侍中李崇次適恭
安府尹閔慶生孫男女若干人郎中嫺尚書洪承祚
之女生男長曰德閨護軍次曰富閨殿中卿女長適
政堂文學兼司憲府大司憲李至次適大護軍金紹
恭鄧嫺都僉議政丞曹益清之女生男二人皆幼後
嫺漢山君李光雨之女生男曰宏道司水監丞女長
適判事朴遵誼次適軍資注夫梁仲寬次適工曹議
郎盧敬次適都染署丞沈聰工曹娶護軍金仁晦之
女生男曰崑崙司憲監察領司平娶刑部尚書崔煥

之女生男曰佇議政府贊成事上黨君尚太上王女
慶慎宮主次曰伯寬上護軍次曰伯信大護軍次曰
伯剛清平君尚今上女貞慎宮主次曰保幼女長適典
農正辛中善次適宗簿副令慶智外孫男女若干人
李侍中生男曰岷光州牧使次曰麟司宰少監次曰
峙延安府使女長適判典農寺事崔安濬次適判漢
城府事崔有慶次適平壤府院君趙浚次適奉禮郎
金祉閔恭安生男曰滌直藝文館女長適知谷州事
洪濟次適平原君趙璞曾孫男女若干人平寧君大
臨尚今上女慶貞宮主政丞趙浚之子也餘皆幼自古

勲閥之家不數世後便為寒門蓋由祖先積累雖勤
為子孫者率多驕侈持守未謹故耳今公先世德厚
流光發達既盛司平父子咸能敬慎益勵志節不挾
不矜樂善無倦是其持守愈謹克振前光流慶後胤
蓋未艾也是宜為銘銘曰

無旃西原

孰濬其源

國公肇緒

克固其根

其根既固

枝葉是繁

烈烈文貞

操履之清

宵中無累

秋月之明

顯允刑部

維德之行

身以禮持

不與俗隨

清儉彌篤

厚積厥基

宜卿宜相

訖莫以施

遺慶于後

以垂其裕

通登司平 既峻且武 忠在社稷 功嚴盟府
父子并達 同獎三業 兄弟並美 玉姬是室
赫赫寵光 雖古罕匹 咸能守法 愈謹秉節
福未有艾 增光前烈 繩繩來裔 引之無替
刻辭于碑 昭久永世

陽村先生文集卷之三十八

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽本集卷三十一

陽村先生文集卷之三十九

碑銘類

故高麗國門下侍中柳公神道碑銘并序

高麗恭愍王有輔相大臣曰高興柳公早以門蔭仕
皇元宿衛精悍已有聲既還拜監門衛太護軍時年
二十七是至元三年丁丑四月也不數年三轉進封
高興君出鎮合浦又鎮楊廣全羅歷相忠定忠穆二
王及恭愍即祚元重委寄至正甲午帝遣丞相脫脫
南征高郵徵兵于我公以亞相將兵而赴功垂成丞
相遇護師罷而還乙未二月拜左政丞判軍簿六月

封高興府院君而申復為門下侍郎平章事判戶部
辛丑冬紅賊陷王京乘輿播越臣民渙散公不離側
扈衛而竹駐驛安東為都巡問慶尚徵兵遣討克復
舊京策勲第一壬寅正月拜守門下侍中癸卯春拜
都僉議政丞判典理加推忠秉義同德輔理翊祚功
臣之號其冬叛臣崔濡諉構恭愍帝惑其言立庶孽
德興君為國王且遣衛兵以來公諭百官遣將拒戰
德興大敗而遁帝被送濡來誅之乙巳有詔使來舉
止甚峻宰相見者不肯與坐及見王亦頗傲公至上
堂詔使禮接甚恭簽書李穡謂同列曰侍中公動容

中禮發言當理其見重於華人宜矣戊申夏旱時王
構魯國公主影殿大興功役數年未就公與諸相上
書請停王怒下公幽將殺之命右使李穡制表諭衆文
穡對以濯無死罪不敢措辭王又大怒并幽之右使
泣曰臣泣非畏死恐王以無罪殺大臣貽譏後世耳
王聞皆釋之辛亥秋誅辛旽竟以前憾逮公七月十
八日縊于青郊年六十一國人有泣涕者噫命矣夫
越二十七年丁丑冬我太上王夢公祈爵于濕王覺
異之贈公特進輔國崇祿大夫高興伯謚忠靖超拜
濕為某官累加顯擢公之餘慶始發於此孰謂為善

無徵哉公資精敏而量弘生長純綺志操廉潔風儀
整肅接人以和膽略過人武才出衆世受宣命出鎮
三道所至有威惠軍士畏慕其鎮全羅也倭寇侵萬
德社殺掠而去公以輕騎追及捕獲悉還其俘終公
之鎮寇不復犯自製長生浦等曲至今傳于樂部及
居廟堂孳孳經國動守成憲不事紛更改簡而理人
談近世輔相之賢者必先稱公公諱濯字春卿自
號誠齋高興人曾祖諱外茂贈知樞密院事祖諱清
臣古諱庇都僉議政丞高興府院君歷相忠烈忠宣
忠肅有社稷勲父諱有奇宣授民德將軍全羅道鎮

邊萬戶達魯花赤判密直司事母密陽朴氏判典密
寺事惟正之女公之仕元也娶大卿朶兒赤之女生
男曰雲檢校叅贊議政府事其還也又娶陸昌柳氏
封真惠宅主贈門下評理諱棋之女非同姓也生二
男曰濕全羅道兵馬都節制使曰澹即將今亡一女
適坡平君尹坤孫三人即將生男曰某幼學坡平男
長曰希夷供正庫使次曰希齊提州監務公沒之時
濕方五歲家遭奇禍不克備葬權厝于海豐之白馬
山後三十五年乙酉十一月十日真惠宅主享年六
十九乃逝明年丙戌三月日以禮合葬于德水之櫟

山又明年秋濕來語余曰先公德烈在人耳目且在國史足以信後惟濕幼不逮事而罹凶禍終天之慟曷嘗有極墓道未碑罔昭厥美益惧子職有虧敢托子筆予從縉紳素聞公賢獲與參贊同升樞府且今節制請辭哀切予何忍辭乃受而銘之銘曰

粵自古昔 惟良將相 忠忌勲疑 鮮克終享

莆繫韓夷 慟彌穹壤 是命使然 于德何喪

堂堂柳公 久握台衡 夷險不貳 大難載平

孜孜經國 輔我王明 縷綆非罪 主組何榮

燠旱恤民 惟相之仁 請寢工作 書上中宸

斯怒且憾 竟殞厥身 有涕以泣 悲纏國人
暫屈一時 終伸百世 昭雪冤愆 史策晰晰
夢赫厥靈 餘慶始啓 碑銘墓隧 來者是諦
墓誌類

建元陵誌石文

永樂六年五月二十四日壬申我太祖至仁啓運聖
文神武大王奄桑群臣我殿下哀慕罔極諒闇盡禮
謹率群臣奉上尊號以是年九月初九日甲寅安厝
于城東楊州治之儉畧村建元陵禮也謹按璿源所
自繇新羅氏以來世有達官累仁積德以裕後慶逮

皇高祖穆王始仕元朝為千夫長四世襲爵士卒樂
附我太祖少蘊器局勇略絕倫豁達有濟世之量至
仁好生出於天性早事高麗恭愍王累官至將相出
入中外屢立大功以安國民行師整肅秋毫無犯大
小百餘戰辛丑之殲紅賊收復王城壬寅之走納氏
庚申之捷雲峯尤所稱道者也恭愍無嗣暴薨其臣
林堅味等專擅國政棄攘土田貪污無度侍中崔瑩
憤行誅戮以我太祖為守侍中從人望也瑩又不學
妄興師旅謀欲攻遼以我太祖為右軍都統使逼遣
境上我太祖與諸將議曰以小事大古今之通義與

其得罪上國貽禍生民豈若除去權臣以安一國乎
乃與諸將伏羲回軍執退瑩以正其罪選立王氏宗
親恭讓君盡忠匡輔任用賢才革私田以正經界汰
冗官以重名器立經陳紀規謀宏大前朝弊攸靡不
盡革中外民心歛然歸附而恭讓昏迷多忌將謀不
利洪武二十五年壬申秋七月忠臣義士合辭推戴
我太祖讓至再三迫於群情勉登寶位遣密直臣趙
胖聞達朝廷欽蒙高皇帝聖旨許更國號以復朝鮮
之稱戊寅秋九月不豫內禪于上王庚辰冬十月
上王亦不豫又禪于我殿下進尊號我太祖為啓運

神武大上王春秋七十四歲在王位七年老不聽政
以享榮養十有一年終始哀榮斯其脩矣有妃韓氏
贈領門下府事諱卿之女先夢追謚承仁順聖神懿
王后誕六男二女男長曰芳雨封鎮安君先卒次曰
上王我殿下為第五曰芳毅為第三封益安大君亦
先卒曰芳幹為第四封懷安大君曰芳衍為第六登
科不祿女長曰慶慎宮主適上黨君李伾非一李也
次曰慶善宮主適青源君沈淙上王無嫡嗣我中宮
靜妃閔氏驪興府院君諱霽之女誕四男四女男長
世子禔次祐孝寧君次今上忠寧君次幼女長真慎

宮主適清平君李伯剛亦非一李次慶真宮主適平壤君趙大臨次慶安宮主適吉州君權趾次幼

有明朝鮮國中有大夫校書監知制衣教充藝文春秋館編修官閔公墓誌銘并序

公諱安仁字子復呂興人曾祖宣授朝列大夫翰林直學士壁上三韓三重大匡判都僉議使司事右文館大提學監春秋館事上護軍驪興府院君贈謚文仁公諱漬祖重大匡僉議贊成事藝文館大提學知春秋館事判版圖司事上護軍諱祥正考追贈門下贊成事奉翊大夫版圖判書諱璿妣完山郡大夫崔

氏匡靖大夫僉議評理良敬公文度之女公喪母祇
順嚴訓銳志于學既冠魁司馬試學日進供武甲寅
登第選補春秋檢閱遭父喪廬墳三年終制拜通禮
門祇候累遷禮儀典法二愬即以直忤權貴罷免閑
居凡四年復拜軍簿愬即尋加三司左右尹皆帶館
職掌制誥又任文書應奉司積十四年之久人以勤
穉及我國初從宰相為仁烈朝京師既還受成均祭
酒以教國子弟人以為穉職遷校書監未幾出為平
壤教授修葺文廟備儀釋奠嚴條約以教諸生化之
立家廟守墳墓者數人歲乙亥新都廟成上欲親裸

以公明習典故命修樂器舊者新之缺者補之皆中
制度大禮以成公性質直且愿敦厚勤儉嗜學好古
多畜群書晨夕披閱篤信斯道不惑異端將伊洛九
先生圖掛置廳壁晨夕焚香致敬教誨童蒙孜孜無
倦不喜干謁不理家產率所言動必慕古昔不肯苟
同於時頗有負倦之謗不小變也常註訓蒙若干篇
又撰續東人文裒集諸家逸藁多至百餘帙手自抄
錄積歲不怠若嗜欲然未及脫藁以戊寅閏五月初
九日甲申病歿于新都之第年五十六卜得其月某
日葬于德水縣王金山先塋之側公之志也公娶其

部侍郎李道孫之女生二男一女長曰進登茅為司
憲監察次曰道進士女適禮曹慈郎崔閑既葬監察
以公行狀來請銘予於公親且舊其敢以不文辭銘
曰

能研諸心 而有所得 公之學也 務合于古
而有所履 公之志也 推其學足以裕於國
行其志足以措諸事 規矩之設而繩墨不舉
布帛之素而絺繡不施 位不滿德 而止於斯
天耶命耶 其孰尸之 納石於壙 乃刻以銘

千載之下 知有先生

貞愼宅主權氏墓誌銘并序

夫人姓權氏有允宣授翰林應奉文字高麗國門下
侍中韓山牧隱李公諱穉之妻宣授明威將軍諸軍
萬戶府萬戶知密直司事花原君諱仲達之女宣授
朝列大夫太子左贊善推誠同德協贊功臣都僉議
右攸丞醴川府院君謚文坦公諱漢功之孫僉議評
理致仕諱鎮之曾孫花原娶奉翊大夫檢校選部典
書行上護軍尹吉孫之女以至順辛未冬十月生夫
人生而聰慧婉婉父母所鍾愛將笄擇所宜歸以至
正辛巳適牧隱李公公即稼亭文孝公之一子時文

孝公以文章位宰相而公少精敏好學已有成名聲
籍甚一時選佳壻者爭欲納公至婚夕猶爭之竟為
花原得夫人在堂為孝女既嫁為令婦兩家無間言
公勤學問不以家累營心夫人亦勉之未嘗煩以事
故公學大進入皇元擢甲科華聞播天下歛而東歸
為一國儒宗是雖出於公性亦夫人之助為多焉恭
愍王大敬重公久居相位屢典貢舉晚年又以德望
宅冢宰夫人共享其榮恩封宅主而清儉自守如寒
士家奉祀以誠主饋以勤待族姻厚而均教子孫慈
而法動循禮則閨門肅然及公遘疾纏綿之際遭謗

流離之日夫人亦極憂悴營救卒免於患武壬申
偕公歸于韓山之墅甲戌八月初一日以病卒年六
十四訃聞上愴悼賜賻以十月日葬于韓山加智之
原先塋之次夫人生三男長曰種德知密直司事次
曰種學簽書密直司事皆先歿季曰種善典教令孫
男女十五人詳列于牧隱公墓碑茲不悉錄葬夫人
三年丙子夏牧隱公亦逝既祔其孫考功佐郎孟昀
來京師請銘于近予惟吾宗大師公佐高麗太祖受
姓移封以來世濟其美及吾文正公與文坦公並德
齊時俱位冢相兩家子孫最蕃以夫子於夫人族屬

雖遠宗人也又於公門人也銘其敢辭銘曰

維昔大師新羅之金扶翊麗祖王懋其忱

移封于福賜姓曰權綿綿遺澤迄今以迄

維文坦公與我文正名德並峙繼秉國政

兩家之胤武昌以蕃夫人之出是曰花原

積德于門乃生淑質乃配君子宜家宜室

勉其君子學以大成爰宅相位播厥令聲

恩禮久渥福祿攸同閨門清穆儉德是崇

有子有孫亦躋膺仕有憾于天而再哭子

春秋六旬奄歸玄宅銘石有辭永示婦則

有明朝鮮國贈謚恭穆姜公墓誌銘并序

建文三年冬晉陽姜公准伯以其先子恭穆公行歷
來徵予墓碑之文曰吾先君律已以勤守官以慎名
實茂著而可傳者苟不於金石焉鑱之是吾為不子
矣因投杖稽顙而泣請予以附葭知公父子久義不
辟謹按公諱冕字某晉陽之望族也五世祖國子博
士諱啓庸其子殿中內給事諱引文皆以儒顯初博
士為日本通信使書狀官給事從行及至元東征之
役以給事曾知道里又舉為書狀風濤險艱且因兵
交頻於死者屢矣及還不復仕每戒子孫曰吾非文

士不至歷險如此爾輩母復業儒也故其子監察御史諱師瞻孫版圖正郎諱昌貴皆仕于吏御史即公之曾祖也正郎後贈門下侍中晉原府院君即公之祖也鳳山君謚文敬諱君寶即公之考也文敬性敏好學晉原亦以儒術為先世家業許令登科遂復為儒位至宰輔以興其家吁給事之戒子孫特懲於一時之困爾東征之士葬魚腹而不返者何限是豈儒哉晉原之教其子文敬之興其家天殆啓之以雪其恨而昌其慶也歟文敬娶鷄林金氏典客令呂珍之女以後至元己卯冬十有二月二十二日生公至正

丙戌公年八歲以門蔭補延陵直十九中丁酉成均
試壬寅拜大官署丞再遷即將無監察糾正存歷典
工佐郎廣興倉使治繁處劇所至稱職為閣門引進
副使禮容中度加朝列大夫出知陝州政績以著典
法版圖典理皆為愬郎中顯尹衛尉中正三司左尹
奉順判軍器出按江陵道是洪武戊午秋冬也明年
己未通憲判繕工俄加奉翊又明年出為安東大都
護府使文敬考終丁憂甫及期起復左常侍壬戌轉
版圖判書未幾入密直為副使俄賜端誠輔理功臣
之號冬遷匡靖大夫判厚德府事兼判典醫寺事上

護軍癸亥春拜門下評理商議冬封晉山君階重大
匡庚午夏匡靖大夫判慈惠府事上護軍同判都評
議使司事冬加授推忠補祚功臣大匡商議門下贊
成事同判都評議使司事無判繕工寺事左右衛上
護軍此公歷官也大夫人尚無恙公兄弟及公之子
相繼入相府赫々耀一世姜氏既大振矣歲壬申公
年五十四大夫人乃卒公廬墳三年人嘉其孝建文
二年庚辰十一月二十六日以病卒于第享年六十
二計聞命有司庇喪事贈謚恭穆明年二月甲寅以
禮葬于臨江縣之東原公天性謹恪風采嚴重發言

處事務循禮則事親以孝繩家以儉歷任中外守法
不阿人多嚴憚之夫人河氏重大匡晉山君謚元正
公諱楫之女生男五人長曰淮伯丙辰科進士第歷
仕臺諫以判密直觀察交州江陵道陞政堂文學及
還兼大司憲以言事罷己卯冬起為正憲出尹鷄林
庚辰秋東北面都巡問使曰淮中壬戌科進士第嘉
善洪州牧使曰淮順司宰少監曰淮叔諸衛將軍曰
淮孝己巳科進士第重大匡晉原君先公歿孫男女
若干人政堂再娶鄭氏重大匡蓬原君諱良生之女
先亡生男曰宗德司憲監察曰友德監門衛散員曰

進德女二人長適權務金張次幼繼室李氏重大匡
平壤府尹諱存性之女生男二人皆幼牧使娶南氏
判事徵之女生男曰姿壽濟用庫注簿少監娶內侍
全理之女生女幼將軍再娶安氏贊成事諱沼之女
生男女二人洪氏無嗣曾孫若干人監察娶典書率
廷堅之女生男二人皆幼銘曰

維彼晉陽

有姓曰姜

世有儒顯

王逵以揚

烈之博士

海國是使

其從以行

乃有孝子

孝子繼征

風濤與兵

既危既險

瀕死而生

戒子若孫

毋儒爾門

吾非以儒

豈慄吾魂

子孫承訓 由吏而進 三世復始 其家克振
顯允文敬 積善之慶 公相承之 門閥之盛
偉矣恭穆 威儀抑抑 率履不回 邦之司直
有嗣其賢 欲傳可傳 謁文大史 于墓是鐫
我辭非諛 可以示後 彌千百年 永昭不朽

陽村先生文集卷之三十九

陽林集卷三十九

十三

陽村先生文集卷之四十

墓誌

有明朝鮮國贈辰韓國夫人鄭氏墓誌銘并序

夫人鄭氏晉州人父高麗翰誠協謀贊理功臣重大
匡都僉議贊成事藝文館大提學知春秋館事上護
軍謚文良公諱乙輔祖三司副使諱椽曾祖內府令
諱守珪外祖順興府院君監春秋館事安公諱文凱
今正憲大夫檢校叅贊議政府事朴公可興之妻知
申事錫命之母也文良公德行文章重一時夫人生
而聰慧長於典訓率所言動必循禮則及笄擇配以

歸朴氏治家勤儉主饋唯謹事舅姑以孝事夫以義
隨事幾諫所親有貧乏者必賑恤之叅贊中羅也厄
再被誣繫夫人盡悴營救積憂成疾以洪武乙亥六
月十五日卒享年五十葬于陽陵西麓越七年辛巳
以知中事佐命功祿叅贊終其身贈夫人誦辰韓有
一男六女男即知中事雖嘗以一子甚愛之教督甚
勤每致縫掖十數輩於家塾令與讀書夫人為設饌
具餉之不怠故能學問有成未冠登進士茅荐歷華
要掌幸已成均試佐我殿下同唵勲盟久典樞機啓
浚弘多中外親賢期望大用父母教誨之力然也女

長適某官某先歿次適某官某次適某官某次適某
官某次適某官某次適某官某次適某官某孫男若
干知申事娶某官某之女生二男長曰去非某官次
幼刑曹生二男曰松壽曰松夢永樂二年甲申夏知
申事請墓銘予世交也且添同盟義不辭銘曰

昔有先正文良公
至今縫掖歆高風

婉婉有女淑且恭
歸于德門修婦功

邀儒家塾置具豐
教子經術令能通

遭時奮庸果顯融
洎洎餘慶垂無窮

後世徵我銘幽宮

行狀

牧隱先生李文靖公行狀

公諱縯字穎叔號牧隱忠清道韓州人曾祖追封奉
翊大夫版圖判書昌世祖宣贈奉訓大夫秘書監丞
本國追封匡靖大夫都僉議贊成事自成考宣授奉
議大夫征東行中書省左右司郎中本國匡正大夫
都僉議贊成事右文館大提學監春秋館事上護軍
謚文孝公穀中元朝元統癸酉制科號稼亭有文集
二十卷行于世妣宣封遼陽縣君本國咸昌郡夫人
金氏以天曆戊辰五月辛未生公聰慧異常自知讀

功

書見輒成誦至正辛巳公年甫十四中本國成均試
斬然已有拜始冠將婚一時高門望族擇東床者皆
欲歸其女至婚夕猶爭乃娶安東權氏宣授明威將
軍諸軍萬戶府萬戶本國重大匡花原君仲達之女
元朝朝列大夫太子左贊善本國三重大匡都僉議
右政丞漢公之孫也戊子稼亭先生在元朝為中瑞
司典簿公以朝官子補國子監生負在學三年得受
中國淵源之學切磨涵漬益大以進尤邃於性理之
書辛卯正月稼亭還本國卒奔喪終制癸巳夏五月
恭愍王開科試士公為魁授青雍府丞秋中征東行

省解尤仍充進奉使書狀官赴京甲午二月翰林學士承旨歐陽玄禮部尚書王思誠同掌會試公又得中三月對策殿選擢中第二甲第二名讀卷官叅知政事社稷彛翰林承旨歐陽玄諸公大加稱賞勅授應奉翰林文字承仕郎同知製誥兼國史院編修官東歸須次恭愍王訖加通直郎典理正郎藝文應教知製教兼春秋館編修官乙未春為王府必閣赤掌書批目儒林榮選也陞授奉善大夫試內史舍人知製教兼春秋館編修官夏又充書狀官奉表如京八月禮仕翰林院冬權經歷丙申正月以母老棄官東

歸蓋亦知天下將亂也秋本國官制行改中散大夫
吏部侍郎翰林直學士知製誥兼春秋館編修官兼
兵部郎中以掌文武之選初公上言時政八事皆蒙
施行其一罷政房復吏兵部選也故有是命丁酉試
國子祭酒知閣門階中大夫為知印尚書是必閣赤
之長也其選尤榮七月遷右諫議大夫階加大中自
後凡除授皆帶館職戊戌以言事忤權貴一皆諫官
皆左遷擬公尚州公理裝待曉將發其夜命下獨公
進拜通議大夫樞密院右副丞宣知工部事王謂宰
相曰李穡才德出衆非他人之比用舍不如此無以

伏人心由是昵居喉舌叅掌機密凡七年陳謨啓沃
裨益弘多辛丑十一月紅賊陷王京乘輿播越臣僚
倉卒多潰散公從王不離側一心扞衛叅謀協贊洪
濟多艱弼成克復之功策勲一等賜以鐵卷田一百
結奴婢二十口癸卯宣授奉訓大夫征東行中書省
儒學提舉冬拜本國端誠輔理功臣奉翊大夫密直
提學同知春秋館事上護軍自是與聞國政二十餘
年雖在罷閑每有大政必就問焉乙巳同知貢舉取
尹紹宗等二十八人丁未冬宣授朝列大夫征東行
中書省左右司郎中以本國判開城蕪成均大司成

初自辛丑經兵之後學校廢弛王欲復興改創成均
于崇文館之舊址以講授負少擇一時經術之士若
永嘉金九容烏川鄭夢周潘陽朴尚秉密陽朴宜中
京山李崇仁等皆以他官無學官以公為之長兼大
司成自公始也明年戊申春四方學者至集諸公分
經授業每日講畢相與論難疑義各臻其極公怡然
中處辨析褒必務合於程朱之旨竟夕忘倦於是
東方性理之學大興學者祛其記誦詞章之習而窮
身心性命之理知宗斯道而不惑於異端欲正其義
而不謀於功利儒風學術煥然一新皆先生教誨之

力也夏四月王章九齋親試諸生經義命公讀卷取
李唐等七人賜及第己酉夏同知貢舉取柳伯濡等
三十三人始用中朝科舉易書通考之法初恭愍王
為魯國公主構影殿于王輪寺之東窮奢極麗數年
不訖更相地於馬巖之西尤極宏壯勞費鉅萬待中
柳濯謂同知密直安克仁簽書密直鄭思道曰馬巖
之後非止勞民傷財衛士有言營作于此不利於國
予以不才濫長百官不憂社稷可乎寧以死諫乃上
書極言不可王大怒下濯等獄欲以事誅之命公製
諭衆文公請罪名王曰久為首相多行不義致天大

早一也橐演福寺田二也魯國之薨三日闋祭三也
其葬降用永和公主之例四也不忠不義孰大於此
公對曰此皆既往事也近日濯等上書請停影殿之
役雖以四事罪之國人皆以為上書之故且此四事
皆非可殺之罪也願更思之王益怒促愈急公伏曰
臣寧得罪安敢為文以成其罪且上書之事領都僉
議亦知之時辛旽為領都僉議極寵幸用事方在王
側旽不得已乃曰老臣亦知之但以王怒不敢告耳
王命侍中李春富封國印春富俛伏不敢進旽曰宜
令言者封之乃命公公恐王益怒乃書對曰臣竊謹

封王曰以予否德不從予言持此去求有德者事之
我太祖初豈王孫哉予避位矣乃移居定妃宮不許
進膳翌日眈欲解王怒啓王下公獄責問坐以不從
王命公曰臣自布衣濫蒙主知驟至宰相謂有可以
益上德者至死力言之以報萬一今柳侍中在縷綫
臣敢盡言無罪者欲王動心省悟以不濫殺大臣也
因泣下曰臣之泣非畏死但恐因此一失王之名不
義於後世也獄官具以聞王遂感悟放濯等出使公
沐浴而朝辛亥知貢舉取金潛等三十三人秋拜政
堂文學加文忠保節贊化功臣之號時我太上王為

知門下事恭愍王謂近臣曰近日物議如何對曰皆
言國家得人王笑曰文武皆用第一流以為宰相誰
敢議之盖自多同日竝用兩賢也王每召公及星山
李仁復入內必令左右洒掃焚香俸僧神照白王曰
君見臣何以致敬如此王曰爾何知此二公道德非
庸儒且猶學問舍肌膚而得骨髓者也雖中國亦罕
比焉敢慢之哉盖王嘗入侍帝遲聞朝中縉紳稱譽
公有素故云然九月丁母遼陽縣君憂明年壬子六
月王命起復改堂文學以疾辭癸丑冬封韓山君階
大匡甲寅秋恭愍王薨公自遼陽之逝哀毀成疾中

惡嘔泄聞王薨愈篤杜門卧者七八年間奉旨銘指
空懶翁二和尚浮屠其徒因多往來于門凡求詩文
扣者輒應頗有佞佛之譏公聞之曰彼謂追福君親
予不敢拒也丁巳加推忠保節同德賞化功臣之號
領藝文春秋館事壬戌拜三重大臣判三司事癸亥
復封韓山君甲子加封韓山府院君乙丑拜壁上三
韓三重大臣檢校門下侍中丙寅知貢舉取孟思誠
等三十三人戊辰朝廷欲置鐵嶺衛侍中崔瑩當國
用事舉兵謀攻遼我太上王舉義回軍執退瑩起公
為門下侍中公曰今國家有釁非王及執政親朝無

以辦之王幼不能行是老夫之責也即自請如京王
及國人皆以公老且病固止之公曰臣以布衣位至
極品常欲以死報之今得死所矣設死道路以屍將
命苟得達國命於天子雖死猶生入朝于京師高皇
帝嘉賚有加優禮以遣已巳還國秋請退拜判門下
府事冬恭讓君立忌公者劾貶長湍庚午四月貶咸
昌五月誣以遣彘初于上國逮繫公等數十人于清
州鞠問甚峻事匹測公曰死生天也當順義命其處
之自若也後數日黎明始雨未及日中山崩水湧壞
城門漲入屋舍皆沒問事官漂溺攀樹木謹免驛聞

于國釋不問自有是州未嘗有水災如此之劇皆以
謂公忠誠所感也時王素知公無他累次召還為忌
公者所劾輒見斥逐人有議公往來不憚煩者又有
為公危之欲其稱疾毋行者辛未冬又自咸昌被召
而來門人權近亦貶忠州路見公以所聞於人者告
之公曰是則詐也人臣之道唯君所命召之則來揮
之則去死且不避往來何恤焉既至復封韓山府院
君壬申四月復貶衿州六月從驪興七月我太上王
即位忌公者欲加極刑公曰吾平生不妄語敢誣服
乎雖死吾為直鬼也語聞王察其情特原之移置長

興府賴公專括者多冬宥歸韓州自恭讓初年忌公者屢以計必欲置之死地王輒救之得全及是忌公者不敢復施其計乙亥秋游開東八五臺山因留居之王遣使召迎復封韓山進見而退送至中門待以故舊之禮丙子公年六十九夏五月請往驪江避暑將登舟疾作召男種善于京城初七日疾革有僧進語其道公舉手揮之曰死生之理吾無疑矣言訖而卒訃聞王悼甚輟膳停朝三日遣使弔祭賻贈有加謚文靖公十月子孫奉柩歸于韓州十一月甲寅葬于加智之原公天資明睿學問精博處事詳明秉心

寬恕議論可否明白簡切而必主於忠厚待人接物
謙恭愷悌和氣油然而凜乎不可犯其為宰相務遵
成憲不喜紛更而持大體忠君愛親之念至老不衰
無形於辞色現於詩文勉進後學必以倫理為主孳
孳不倦博覽群書尤深於理學凡為文章操筆即書
如風行水流畧無凝滯而辭義精到格律高古浩浩
滔滔如江河注海有集詩三十五卷文二十卷自元
季至正癸巳至皇朝洪武己巳數十年間掌國文翰
多更變故險難之際能修詞命屢見嘉歎及公貶斥
思公者典文始以表辭見責於帝則公之文章智識

有補於世如此情恭慙徒知致敬而不能盡用其言
後長百寮而未幾罷免遂見詆嫺經濟之學卒莫大
施天也為家不問有無費雖至屢空不以動心平生
無疾言遽色家人僕隸或有失必徐以理曉譬之未
嘗加以怒言尊俎之間油油然而處亦不及亂襟懷
洒落言動從容喜怒不形圭角不露渾是一團和氣
久居寵利而不見其驕盈晚遭屯難而不見其傾覆
縲絏非辱圭組非榮公之操存守履亦可謂確乎不
拔者矣公三男長曰種德推誠翊衛功臣奉翊大夫
知密直司事次曰種學奉翊大夫簽書密直司事丙

展進士戊辰掌成均試已巳知貢舉皆先公卒次曰
種善中正大夫興校令知製教壬戌進士寄直男四
長曰孟暉中顯大夫監門衛大護軍曰孟昉承奉郎
考功佐郎乙丑進士曰孟駿壬申進士曰孟吟仁德
宮司消女二長適通政大夫承樞府右副代言柳沂
次適中訓大夫宗簿令河久簽書男六長曰叔野朝
奉大夫司宰少監曰叔畦成均生貢曰叔當虎勇巡
衛司副司直曰叔畝朝散大夫司水少監曰叔福成
均生貢曰叔時幼女二長適正尹李漸次幼典校男
一曰李疇曾孫男七人女九人

陽村先生文集卷之四十終

八下ホキ

二

三

へ

大正十一年

草洞庫次知金成祿

齊

